

চাষির গীত
কাজী নজরুল ইসলাম

চাষ কর দেহ- জমিতে।
হবে নানা ফসল এতে।।

নামাযে জমি 'উগালে',
রোজাতে জমি 'সামালে',
কলেমায় জমিতে মই দিবে
চিন্তা কি হে এই ভবেতে।।

লা- ইলাহা ইল্লাল্লাহে
বীজ ফেল তুই বিধি মতে,
পাবি 'ঈমান' ফসল তাতে
আর রইবি সুখেতে।।

নয়টা নালা আছে তাহার
অজুর পানি নিয়াত যাহার,
ফল পানি নানা প্রকার
ফসল জন্মিবে তাহাতে।।

যদি ভাল হয় হে জমি
হজ্জ জাকাত লাগাও তুমি,
আরো সুখে থাকবে তুমি-
কয় নজরুল ইসলামেতে ।।